



Nunanut allanut Naalackersuisumut

Australia-mut naalackersuinikkut iliuusissaq tulleg suussava?

Inatsisartut Suleriaasianni § 36, imm. 1 Inaapertorlugu Naalackersuisunut apeqqutit imaattut matumuuna saqqummiuppakka:

1. Australiami Naalackersuisut Nunat Inoqqaavisa Pisinnaatitaaffii pillugit isumaat sunnernerlugu Nunatsinni Naalackersuisut qanoq iliuuseqaqqinniarlutik pilersaarpat?
2. Taamaaliulersaartoqarpat - iliuusissat suut pilersaarutigaat?
3. Piffissap suup iluani?
4. Qanoq iliuuseqaqqittoqannginnissamik Naalackersuisut aalajangersimappata suut tamatumunnga tunngaviuppat?

Tunngavilersuut:

Radioaviisikkut ullaq manna tusarliunneqarpoq Naalackersuisut siulittaasuata Australiap ministeriuneranut inuulluaqqussuteqartoq. Nunap inoqqaavinut ukiorpasuarini naqisimaneqarsimanerannut Ministeriunerup Australiami Naalackersuisut aamma Inatsisartut sinnerlugit utoqqatsernera tamatumunnga tunngaveqartoq oqaatigineqarluni.

Septembarip 13-ianni 2007 Naalagaaffiit Peqatigiinni amerlanerussuteqarluartut Nunat Inoqqaavisa Pisinnaatitaaffii pillugit Nalunaarut akuersissutigineqarpoq. Naalagaaffiit 143-t akuerseqataapput, 4 akkerliullutik taasipput naalagaaffiillu 11 taaseqataannqillat.

Australia akkerliulluni taasivoq. Taamaammat Australiami Naalackersuisut Naalanaarutip akuersaarnissaanut atortuulersinnissaanullu sunnernerlallugit pigaaruteqarluinnartuusoraara. Ilami naalanaarummik akkerliujuassappata Ministeriunerup ippassaani utoqqatsernera isumaarutissaaq.

FN-imi nalunaarutip amerlanerussuteqarluartunik akuersissutigineqarnera ukiut 20-t sinnerlugit nunat tamalaat akornanni sulinerup kusanartup inerneraa. Nunatta, ICC-p aamma danskit nakkaannarumanatik suleqatigiilluarnermikkut anguniagaq piviusunngortitseqataaffigaat. Taamaammat naatsorsuutigilluinnarpara Nunatsinni Naalackersuisut Nalunaarutip nunarsuarmioqatigiinni siuarsarnissaanut ilisimaneqarlualernissaanut malinneqarnissaanullu sulineq pingaartillugu Nunatta naalackersuisuisa aalluttuassagaat.

Asii Chemnitz Narup

Inatsisartunut ilaasortaq/siulittaasup tullia Inuit Ataqatigiinni

Nuuk, 15. februar 2008